



TOSHKENT DAVLAT YURIDIK UNIVERSITETI REKTORINING B U Y R U G ' I

19.01.2024

26-tm-son

Xitoy Xalq Respublikasining Shimoli-g'arbiy siyosatshunoslik va huquq universiteti talabalarining Toshkent davlat yuridik universitetida akademik almashinuv dasturi doirasida o'qishni davom ettirishi to'g'risida

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmonida va O'zbekiston Respublikasi Prezidentining 2019-yil 8-oktabrdagi "O'zbekiston Respublikasi oliy ta'lim tizimini 2030 yilgacha rivojlantirish konsepsiyasini tasdiqlash to'g'risida"gi PF-5847-son Farmonida belgilangan vazifalar ijrosini ta'minlash, universitetning xalqaro tan olingan ta'lim muassasalari reytingiga kiritish bo'yicha chora-tadbirlarni amalga oshirish orqali, Toshkent davlat yuridik universitetining xalqaro ta'lim maydonidagi raqobatbardoshligini ta'minlash maqsadida, Xitoy Xalq Respublikasining Shimoli-g'arbiy siyosatshunoslik va huquq universiteti bilan 2023-yil 17-sentabrda imzolangan Anglashuv Memorandumiga asosan

B U Y U R A M A N:

1. Shimoli-g'arbiy siyosatshunoslik va huquq universitetining Xalqaro huquq maktabi magistratura bosqichi talabasi **Weng Jiayu** universitetning Magistratura va sirtqi ta'lim fakulteti magistratura bosqichida, hamda Shimoli-g'arbiy siyosatshunoslik va huquq universitetining Xalqaro huquq maktabi bakalavr bosqichi 3-kurs talabasi **Zhang Naiwen** universitetning Xalqaro huquq va qiyosiy huquqshunoslik fakulteti 3-kursida 2023/2024-o'quv yilining bahorgi semestri davomida 1-fevraldan 31-iyul sanasigacha akademik almashinuv dasturi bo'yicha o'qishni davom ettirishi ma'lumot sifatida qayd etilsin.

2. Xorijiy ta'lim muassasi talabalariga universitet Magistratura va sirtqi ta'lim fakulteti magistratura yo'nalishida, hamda Xalqaro huquq va qiyosiy huquqshunoslik fakulteti 3-kursida 2023/2024-o'quv yilining bahorgi semestri

davomida 1-fevraldan 31-iyul sanasigacha akademik almashinuvi dasturi bo'yicha o'qishini davom ettirishga ruxsat berilganligi ma'lumot uchun qayd etilsin.

3. Xalqaro hamkorlik boshqarmasi (F.Umirov) va Talabalar turar joyi (kompleks rahbari N.Shayzakov) xorijiy ta'lim muassasi talabalarining O'zbekiston Respublikasida vaqtincha ro'yxatdan o'tishi va istiqomat qilishi bilan bog'liq hujjatlarni rasmiylashtirilishiga oid ishlarni amalga oshirsin.

4. Xalqaro hamkorlik boshqarmasi (F.Umirov), Magistratura va sirtqi ta'lim fakulteti dekanati (A.Babadjanov), Xalqaro huquq va qiyosiy huquqshunoslik fakulteti dekanati (D.Umarxanova) xorijiy ta'lim muassasi talabasining akademik almashinuviga oid ma'lumotlarni tizimli ravishda yuritish, monitoring va tahlil qilib borilishini ta'minlasin.

5. O'quv-uslubiy boshqarma (Registrator ofisi) (S.Bozarov) xorijiy ta'lim muassasi talabasining akademik almashinuvi muddati tugagandan so'ng o'qigan davrini tasdiqlovchi ma'lumotnoma tayyorlanishini ta'minlasin.

6. Magistratura va sirtqi ta'lim fakulteti dekanati (A.Babadjanov), hamda Xalqaro huquq va qiyosiy huquqshunoslik fakulteti dekanati (D.Umarxanova) xorijiy ta'lim muassasi talabalarini tegishli kurs va maxsus akademik guruhga biriktirilishini ta'minlasin.

7. Mazkur buyruq ijrosining nazoratini o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Boshqarma boshlig'i

F.UMIROV



Kelishildi:

Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

A.BABADJANOV



Dekan (fan doktori yoki fan doktori (Doctor of Science) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki professor ilmiy unvoniga ega bo'lgan)

D.UMARXANOVA



Boshqarma boshlig'i

S.BOZAROV



TTJ mudiri-kompleks rahbari

N.SHAYZAKOV

